



Inatsisartuni ilaasortaq Aleqa Hammond, Siumut
MAANI

London Miningip piaanissamut qinnuteqaataanut atatillugu tusarniaanermut nittartakkami najoqqutassat pillugit § 37 naapertorlugu Naalakkersuisunut apeqqummut nr. 2012-198-imut akissuteqaat - 2.

Inatsisartut suleriaasianni § 37 imm. 1 naapertorlugu, London Miningimut tunngatillugu najoqqutassat tusarniaanermut nittartakkamut ikkunneqarsimasut pillugit Naalakkersuisunut apeqquteqaqqipputit.

Apeqquut 1.

London Miningip paaasinnaanermut akuersissutigineqarnissaanut tusarniaanermi Naalakkersuisunit avatangiisinut aammalu mingutsitsinermut tunngasut apeqqutit tulutuinnaq saqqummersippai taamaasilluni innuttaasunit kalaallisut aammalu qallunaatut oqaasilinnit malinnaavigineqarsinnaanatillu paasineqarsinnaanatik. Tamanna sumik tunngaveqarpa?

Akissut:

§ 37 naapertorlugu apeqqutinnut nr. 2012-196-imut akissuteqaat takuuk.

Apeqquut 2.

London Miningip paaasinnaanermut akuersissutigineqarnissaanut tusarniaanermi naalakkersuisut avatangiisinut aammalu mingutsitsinermut tunngasut kalaallisut aammalu qallunaatut nutsersimanagit saqqummersinnerani apeqqutit taama pingaartigisut tekniskiuallaartutut nalilerpai?

Akissut:

Avatangiisinut nalunaarusiat attuumassuteqartut nutsertinneqarsimanngitsut eqqunngilaq.

Isukasiani Nuup avannaani saviminissamik piaanissamik pilersaarummut atatillugu tusarniaaneq maannakkut ingerlanneqartoq Aatsitassanut ikummatissanullu Inatsit naapertorlugu pivoq, tamatuma malitsigisaanik nalunaarusiat *Inuiaqatigiinni piujuartusamik iluaqutaasumik sunniutaasussanik nalilersuineq* aamma *Avatangiisinut sunniutaasussanik nalilersuineq* saqqummiunneqarput. Tassani pineqarput pilersaarutit inuiaqatigiinnut sunniutissaat pillugit nalilersuinerit aammalu avatangiisinut sunniutissaanut tunngatillugu nalilersuinerit. Nalunaarusiat taakku www.nanoq.gl-imi tusarniaanernut tunngatillugu quppernermut ilineqarput, kalaallisut qallunaatullu oqaasertaqarlutik. Tusarniaanermut tassunga tunngasut quppernernik 100-t arlalinnik amerlassuseqarput.

Nalunaarusiap *Avatangiisinut sunniutaasussanik nalilersuineq*, avatangiisit sunnerneqarsinnaanerannik nalilersuinerit, saqqummiunneqannginnerani taanna Århus Universitetimiittumi (siusinnerusukku DMU - Danmarks Miljø Undersøgelser) DCE-mit misissorneqarpoq avatangiisinut sunniutissai pillugit pingaarutillit tamarmik ilanngunneqarsimanersut qulakkeerumaneqarmat tusarniaassutigilertinnagu.

17. september 2012
Sagsnr. 2012-060499
Dok. Nr.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Isukasiani saviminissamik paaaffissamut annertuumut qinnuteqaat quppernernik tusind-tilikkaanik malitseqarpoq, imaralugit pilersaarutip imminut akilersinnaaneranut tunngasunik naatsorsuutit, teknikkikkut tunngasut paasissutissat, naatsorsuinerit, nunap assingi il.il. Quppernerpassuit tusarniaanermut ileqqoq pitsaasoq atorlugu tusarni-aavimmut ilineqanngillat, tusarniakkat quppernerpassuit ilineqartut tamaasa at-uarniassagaluarunikkit ipisinneqassammata. Pappiliat teknikkimut tunngasut tuluttuujusut nutserneqanngillat – soorlu aamma taamaassimasoq Nanortallip eqqaani Nalunami gultisiornissaq, Maniitsup eqqaani olivinisiornissaq kiisalu Maarmoriliup eqqaani aqerlumik zinkimillu paaavik Siumup akuersissutigimmagit.

Pisortani aqutsinermi ammasumik pissuseqarnissamik Naalackersuisut politikkiat malil-luinnarlugu soqutiginnittut tamarmik pappilissat teknikkimut naatsorsuinernullu tunnga-sut takujumasinnaavaat. Periarfissaq taanna atorlugu kissaateqartoqarnera pissutigalugu teknikkimut tunngasut pappilissat ilaat tuluttut allassimasut nittartakkamut ilineqarput.

§ 37 naapertorlugu apeqqummut nr. 2012-196-imut akissuteqaammi aammalu tusagassiuutitigut nalunaarummi 2. september 2012-imeersumi takuneqarsinnaasutut, nalunaarusiat tekniskiusut aalajangersimasut nalinginnaasumik tuluttuumiit kalaallisuun-ngorlugit nutsertinneqartanngillat. Kisiannili innuttaasut, soqutigisaqaaqatigiiffiit aammalu politikkerit akornanni, sammineqartut soorlu nalinginnaasumik pinngortitamut tunngasut, tuttunut, imaani avatangiisinut aamma erngup nukinganut tunngassutillit annertoorujus-suarmik eqqumaffigineqarmata, nalunaarusiat sisamat taakkua nutsertinneqarput.

Kisiannili eqqorpoq nalunaarusiat ilaasa kalaallisuunngorlugit nutsertinnissaat ajor-nakusoortorujussuusussaasoq. Oqaasileriffik akuutillugu nalunaarusiap nutsertinneranut atatillugu kalaallisut oqaatsit oqariaatsillu nutaat pisariaqartut, assersuutigalugu su-liassap nunap sannaata pinngoriartuaarnerani pisunut tunngasut, tamarmik suliarineqaraluartut, nalunaarusiaq innuttaasunit nalinginnaasunit suli atuarniarnera ajornakusoortussaavoq. Sulianut ilinniarsimasunit, sulianut ilinniarsimasunut allanut taakkua allataapput. Inuit nalunaarusiamik taassuminnga atuarnissamut taamatut sulia-nut piginnaaneqartut tassaasussaapput najoqqutassat tuluttut atuarsinnaanissaannut ilinniarsimasuusussat.

Nalunaarusiat sorliit innuttaasunut soqutiginaateqarsinnaanersut naliliisoqartarpoq, taman-nalu nalunaarusiat sorliit nutsertinneqassanersoq aalajangiisuusarpoq.

Inussiarnersumik inuulluaqquusillunga

Ove Karl Berthelsen

